


二十五  
十七



序

長水 曾王孫

皇朝定鼎四十餘年禮樂文章蔚然周 而

長短填詞尤稱極盛吾鄉采山侍郎竹垞  
太史逸才絕俗之流巖穴知名之

人握隋珠家寶荆玉南湖

錦蜀江矣獨余不敏不能審音顧曲趨步  
詞壇比於邾莒之賦薄宦都昌又少詞人  
倡和終日卷帷拄笏遙對香爐五老諸峰  
望谷簾瀑布洗十年塵土腸胃以松聲鳥  
聲當兩部鼓吹雖俗吏實有餘閒也年來  
案頭郵致名稿川流繕本山積一日聶子

晉人索余同董百家詞鈔余愕然曰余安  
知詞哉然亦嘗從采山竹垞諸公竊窺詞  
學之藩籬間與考古論今自陳隋倡綺靡  
之音以及唐宋元明迄於

昭代其間盛衰之故雅俗之辨正聲變調之  
緣起莫不州悉部居瞭如指掌則余雖不

爲詞猶能爲聞弦賞音之師曠也百家名  
詞具在每當撫琴飼鶴之餘展而觀之或  
如泛海遊蓬萊閬苑仙樓縹緲金碧浮空  
或如武庫開張森列戈戟或如田僧超快  
馬入陣先爲吹笳壯士之聲或如宥娘纏  
帛飛燕牽裾舞於蓮心掌上或如孟才人

一聲河滿淚落君前時歌時泣忽醉忽癡  
觀百家之詞卽見百名公於一堂如延陵  
季子觀六代之樂至於簫韶觀止矣葢以  
加矣安可不公諸海內以鳴一代之盛而  
定千秋之業哉昔濟南王阮亭先生司李  
楊州與鄒子程邨有倚聲初集之選網羅

浩博攷按精詳至今膾炙人口余雖不敢望濟南之月旦而彙集海內之詞華表章藝林之騷雅則晉人之功居多若夫詞體之變遷選者之詮次例言自能詳之余固存而不論也



例言

宋元詞人最盛而所傳詞稿甚少聞昔海虞吳氏有

宋元百家詞抄本兵火之後汲古閣購之不全祇

梓宋詞六十家行世可見傳稿之有幸不幸也今

國朝四十年來詞人蔚起幾幾乎駕宋軼元無論

英才怒生作者林立但以稿本盈寸自成一家足

供徵選者次第編入以備一代偉觀

詞調起於陳隋廣於二唐盛於北宋迨元明以降揣

摹愈工而體裁愈下作者益多而會者益少自沈

天羽別集一出能以意致相詭言語妙天下爲詞家開却生面豈後之學者習而不察沿成湊字好奇之癖不免求奇反庸求新反淺之病岷源濫觴不得不歸咎於別集也是選也人勒一集集盡所長惟嚴聲調上追古人不眩尖新以亂耳目

聲調之失日久相沿一時難於釐剔每遇絕妙好詞偶或一音未協一字未妥竊爲更定以辯魯魚之誤非敢漫爲竄易也

詞有一體而數名亦有多體而一名者茲悉歸

名蓋詞調之始隨人立體安名初無準則故有紛更考之花草粹編異體奇名渺不可極變題換號殊勞觀覽宋詞尚然何況後世後世有述則吾不知若近代詞人間或有此盡爲刪正其自度曲宋元以後雖美弗彰概不鈔入

詞之短者曰令長者曰慢初不分有中調長調也是編或限字數以別先後或照原稿以序時次而令慢自見矣至於圈讀得則爲龍之點睛失則爲蛇之添足不得不詳爲圈讀以備查核其詞話每卷

之後略綴一二則俱於原序原評僭為節錄缺者竊補一二殊愧謏陋幸賜諒焉

詞人藏稿最難徵求或以路遙莫致或以抄謄為艱憶同柳塘梅墩共事鉛槧忽忽經年片稿莫致幸道扶過吳付稿盈篋以恣選擇副本具在也

鈔百名家詞而實不限以百家者蓋人各一集便於單本獨行不妨隨到隨梓隨時隨地皆可刷印問世次序後先所不之論讀者鑒諸

廬陵樂讀居士聶先晉人識

百名家詞鈔總目

甲集四十家 隨到隨刻未及次序

棠村 南澗

橫江 香膽

蔬香 楓香

留村 當樓

白茅 紫雲

微雲 句雲

香草 影樹

改蟲

珂雪

澹雪

萬卷

竹西

染香

菴畫

雙溪

湖山

攝閒

課鵝

寒山

紅橋

一曲

綺霞

曠觀

團扇

桐園

玉艷

仿橘

陶村

南耕

鳳車

梅泚

勃軒

嘒霞



名家詞鈔目錄

棠村詞

真定 梁清標 蒼巖

望江南 六調 如夢令 二調

生查子 二調 點絳脣 二調

菩薩蠻 二調 卜算子

巫山一段雲 減字木蘭花 二調

纂定



海棠春

山花子

眼兒媚

少年遊

杏花天

浪淘沙

金鳳鈎

玉樓春

南鄉子

踏莎行

臨江仙

蝶戀花

釵頭鳳

一翦梅

行香子

柳初新

瓜茉莉

魚遊春水

東風齊着力

滿江紅 二調

玉漏遲

滿庭芳 二調

燭影搖

帝臺春

萬年歡

念奴嬌 四調

桂枝香

綺羅香

春雲怨

喜遷鶯

永遇樂

花心動

大聖樂

過秦樓

洞庭春色 二調

沁園春

名家詩金目錄

賀新郎

玉女搖仙佩 以下二集

美少年

漁家傲

賣花聲

傳言玉女

剔銀燈

柳腰輕 二調

轆轤金井

醉蓬萊

玉簫涼

雨中花慢

揚州慢

珍珠簾

瑣窗寒

月華清

如此江山

氏州第一

畫錦堂

解連環

花發沁園春

望湘人

望海潮

惜餘春慢

摸魚兒

画屏春色

賣花聲

美少年

名家詞少棠村

棠村詞

真定 梁清標 蒼巖

望江南

東郊外。暖日水粼粼。一路杏花尋幕燕。幾行楊柳渡溪人。沙細碾車輪。

前調

西村裏。森森水拖藍。一縷墟烟青似織。數峰嵐色碧於簪。可喚小江南。

前調

初連  
卷十

踏青去。遙指綠陰村。斜裊金鞭。晴試馬。高燒銀燭。夜  
開樽。芳草滯王孫。

前調

休虛度。寒食草青青。荇葉橋邊。沽酒路。鞦韆影裏。賣  
花聲。金彈打流鶯。

前調

清懽夜。偷眼認檀郎。錦瑟偎燈。腸斷句。青絲墮馬內。  
家。妝私語。口脂香。

前調

燈花剪。襍坐漏偏遲。欲寫烏絲。喚燕子。將輸楸局。倩  
獼兒。薌澤乍聞時。

如夢令 秋夜

露下秋宵方永。睡起殘妝猶靚。携手步虛檐。人面月  
華相映。絕勝絕勝。小立滿身花影。

前調 朝回

翡翠衾寒拖逗。惱殺鷄聲偏驟。帶得御香歸。猶喜曉  
妝纔就。生受生受。正是畫眉時候。

生查子 春閨

河梁別妾時。落葉紛庭榭。春草已芊芊。不見嘶驄馬。  
鸚鵡未知愁。絮語將人罵。小步怨東風。掩淚鞦韆  
下。

前調 夏夜

蘭湯浴罷時。簫局沉烟縷。偷取遠山青。描作眉兒譜。  
茉莉幾時開。小摘還頻數。香汗等閒消。一陣黃昏  
雨。

點絳脣 偶贈

歌按涼州。燈前喜識春風面。傍誰庭院。碧玉閨中怨。  
淡服新妝。無語頻凝盼。思量徧。幽情一線。付與閒  
花片。

前調 憶舊

簾押風柔。傷心往事斜陽裏。當年花底。芍藥欄同倚。  
依舊芳菲。歲月看流水。春殘矣。亂紅如綺。草綠人  
千里。

菩薩蠻 春閨

亂鴉啼處春風曉。流蘇香暖金鈞小。小晴影入窓紗。街  
頭賣杏花。鴛鴦初睡足。偏墮雲鬟綠。拂鏡試新妝。

低徊問粉郎。

前調 悼亡

玳梁當日棲雙燕。碧桃花下看人面。往事耐思量。銀燈照晚粧。寶釧空瑟瑟。愁殺西堂客。腸斷只三聲。長更與短更。

卜算子 閨曉

寶鴨被重熏。茉莉香先透。兩兩鴛鴦宿碧紗。私語人知否。夜雨裊殘燈。朝露沾羅袖。怪煞開奩促曉粧。好夢濃如酒。

巫山一段雲

簫局微溫後。燈篝乍剪時。端相帶笑又佯推。欲睡故遲遲。銀蒜垂簾悄。金釵落枕欹。淡紅怕祿映唇脂。低問小名兒。

減字木蘭花 雨後

秋葵帶露紅滿窓。紗蟬滿樹。不管閒愁。倚杖浮雲度。畫樓。雨絲風片。消受新涼深小院。蝶過誰家。閒殺墻頭夜合花。

前調 夕陽

風吹禾黍。幾陣蕭蕭。山市雨。秋色三分。讓與漁家水。  
竹村。蘚堦獨立。萬戶聲催。砧杵急。柳外寒塘。牛背  
歸來正夕陽。

海棠春

夜雨

寂寥深院。思千縷。陌上柳新黃。纔吐暝色。入西樓。雁  
影沈南浦。黃昏燈火無情緒。遣夢到家山。猶阻。惆  
悵打梨花。點點飛窓雨。

山花子

春愁

漫道春風不世情。愁中吹上鬢邊星。歸雁帶來雲外  
恨。斷腸聲。日暖平蕪晴牧馬。月明綺閣夜調笙。無  
限韶光多少淚。共誰評。

眼兒媚

春晝

日射晴牕靜無譁。風裊柳枝斜。有人深院。凝粧獨坐。  
門掩桃花。追思往日。重回首。心事付啼鴉。隔牆笑  
語。却疑春色只在鄰家。

少年遊

春愁

啼鶯恰恰到窓紗。幾縷曉烟斜。此日春城。漢宮傳蠟。  
散入五侯家。三分春色愁中度。一半在梨花。腸斷



黃昏酒醒殘月門外即天涯

杏花天 花朝過金魚池

鶯聲曲岸輕陰乍。春水漲城南臺榭。誰家高結鞦韆架。人在賣花簾下。踏青鞦韆舊遊重話。記挾彈芳原試馬。杏花小雨西村社。放了東風寬假。

浪淘沙 閨詞

日影舊窓紗。晝靜藏鴉。東風謹護牡丹芽。珠箔深深垂綺戶。便是兒家。嬌小鬢雲斜。暗度韶華。春愁不減臉邊霞。繡得雙鴛新畫譜。並蒂荷花。

金鳳鈞 燕來

忽聞燕來何處。向樹底雙雙小語。一春消息故人情。重不爽佳期。唯汝自憐。每被多情誤。頻勸取不須飛去。絮泥啣得。為誰辛苦。空傷人家門戶。

玉樓春 送春

花飛南陌東風暮。腸斷王孫芳草路。綠槐影裏雨初晴。黃鳥聲中春暗去。亂山疊疊看無幾。故國遙遮雲外樹。一年佳景等閒拋。好夢欲尋無覓處。

南鄉子 春暮

深院雨廉纖。燕子飛來故傍檐。清晝困人無氣力。酣  
酣。淺暈腮痕印枕函。新樣剪輕衫。獨坐凝粧倚鏡  
奩。聞道春風將暮也。厭厭開盡桃花不捲簾。

踏莎行 暮春

鶯囀林梢。蝶沾粉絮。押簾銀蒜牽蛛縷。鴛鴦慢揭鬱  
金寒。秋千索挂東風暮。綠暗西園。雁沉南浦。檀郎  
騎馬知何處。章臺街裏片花飛。紅粉樓中三月雨。

臨江仙 初春

花市歌樓簾半捲。六街酒碧燈紅。家家行樂醉春風。

五陵年少。何處繫遊驄。小婦新粧蟬翼巧。那知愁

上眉峰。垂垂柳色夕陽中。陌頭驚見。悔却覓侯封。

蝶戀花

宋荔裳觀察招飲觀劇次阮亭韻

榆莢風清飄蜀纈。水漲銀塘。纔過清明節。絳蠟金樽  
歌未歇。柳花檻外飛如雪。舊事甘陵翻數闕。今昔  
關情。優孟真奇絕。絲管喁啾聲漸徹。魚龍波底搖殘  
月。

釵頭鳳 閨怨

簾櫳悄。流蘇小。薰籠斜倚香還裊。歡方嫩。愁來頓織

腰○非○舊○湘○裙○爭○寸○褪○褪○褪○  
釵○輕○掉○梅○如○笑○銀○缸○生○  
暈○燈○花○爆○春○將○近○鴻○無○信○天○涯○人○遠○金○錢○難○問○恨○恨○  
恨○

一翦梅 閨詞

宛○宛○冰○輪○上○畫○樓○聽○罷○更○籌○薰○罷○衾○裯○畫○眉○人○是○舊○  
風○流○對○面○溫○柔○背○面○嬌○羞○  
雙○結○燈○花○兩○意○投○一○晌○  
低○頭○半○晌○迴○眸○玉○貌○烟○冷○睡○還○休○倚○了○香○篝○褪○了○蓮○  
勾○

行香子

登齊中小樓

霧○斂○高○旻○樓○敞○無○塵○捲○殘○霞○恰○受○斜○暉○俯○凭○飛○檻○遠○  
眺○城○闌○看○花○如○繡○山○如○沐○草○如○茵○  
綠○窓○窈○窕○碧○樹○  
續○紛○傍○朱○欄○怪○石○嶙○峴○奇○書○堪○把○濁○酒○重○斟○喜○冬○宜○  
雪○秋○宜○月○夏○宜○雲○

柳初新

冬詞

晴○簷○飛○雪○簾○櫳○護○翠○被○篆○添○香○縷○海○棠○睡○足○臉○潮○微○  
暈○釵○落○髻○橫○斜○霧○紅○上○瑣○窓○如○許○惱○侍○兒○催○人○匆○遽○  
纖○手○牽○郎○且○住○怯○朝○寒○枕○傍○低○語○眉○心○頻○蹙○楚○腰○  
半○躡○不○盡○怨○雲○愁○雨○欲○起○又○同○偎○倚○最○難○聽○鸚○哥○聲○

絮

瓜茉莉 未麗

正苦薰風早清芬細裊黃昏後覓枝尋葉翩翩蕩影  
惹動閒庭蛺蝶摘來綴寶髻瑤釵盈盈暗添笑靨  
花神有意巧批了風流牒新浴罷晚粧寧帖斜簪綠  
髻恰宜襯芙蓉頰伴鸚鵡枕上粉脂融淡衆香國魂  
夢貼

魚遊春水 上谷立春

東風開曉市晴照金臺雲氣紫春來天上巷陌漸薰  
羅綺玉燭長調禁苑中錦鞦爭試香塵裏吹笛一聲  
畫樓獨倚 三輔名城高起又見髻邊新燕子青幡  
兼遇燈宵韶光信美閨人劃損釵頭鳳羈客愁傾樽  
內蟻歸夢如醒流年似水

東風齊着力 立春

郊外青幡盤中生菜人樂時康惠風布滿春水瀉橫  
塘競戲魚龍角觥朱樓上小婦笙簧映釵色剪花絲  
燕香裊羅裳 莫問髻邊霜百年內能消幾個歡場  
黛眉巧畫半醉倚銀缸肯負籤聲燭影酬良夜細語

平章喜公道不分冷暖惟有東皇

滿江紅 栢棠村賞牡丹

春草孤村茅亭立老槐如昨香滿院名花傾國臨風  
綽約三徑纔開佳客至一樽細雨同斟酌嘆十年宦  
海歷風塵空耽閣鐘鼎業波濤惡林壑裏無拘縛  
趁日長人健留連芳萼屋角遠山青欲滴溪邊釣艇  
魚新躍看眼前世事謾開情秋雲薄

前調 悼亡

造物如何遽收拾鴛鴦牒早把香天粉井劫塵埋了  
初擬鹿門同載去那知更踏長安道到如今白首送  
青春真顛倒 蜃市結風鬟鬢午夢醒槐宮杳想定  
情良夜倚燈人小紫蟹黃英難共醉都堪摹作淒涼  
稿對西風獨立哭斜陽閒花草

玉漏遲 閨思

篆烟消錦幄愁中又聽漏聲催早卸罷殘粧繡被暗  
生寒峭想像前宵好夢剩瘦影蘭缸相照燈暈小雁  
鴻報到歸人猶杳 消息試探梅花待漏洩春光可  
同歡笑欹枕釵橫畫樓幾番慵眺一紙音書寄語問

白髮近添多少。奩鏡悄。眉峰爲誰頻掃。

滿庭芳

觀女伶演淮陰故事

絳燭清宵。彩雲華館。蠻腰細舞迴風。嬋娟忽變。繡襖  
染猩紅。鎖甲艷分雪色。兜鍪小。雙頰芙蓉。擢瑜映將  
軍紅粉。錦繖黛眉同。登壇當日事。衣冠優孟。寫出  
偏工。嘆英雄。佳麗一樣飄蓬。飛絮落花。舊恨誰憐。取  
桃李春穠。乘月夜。衣香人面。莫放酒盃空。

前調

城南泛舟

城繞春流。堤藏蕭寺。人家半倚晴溪。輕風暖日。布穀

數聲啼。一棹船如天上。關情處。岸草萋萋。空回首。故  
園柳色。烟景望中迷。依稀想此日。清明近也。桃杏  
開時。嘆蹉跎踪跡。物換星移。舉網鮮鱗入手。開笑口。  
聊醉春卮。酒闌後。斜陽駐馬。目斷畫橋西。

燭影搖紅

正月十四夜

綺戶寒輕。千門不閉。樓臺晚麗。譙吹歇。罷歲。蕤九陌。  
香塵滿。何處簫聲近遠。試華燈。春風庭院。閒身天許。  
遊冶場中。留連歌管。暗想當年。團團兒女。清宵宴。  
翠眉低唱。漏聲沈。絳燭西窓剪。此夕人移物換。頻搔

首霜侵鬢短。月明依舊。火樹光搖。星橋烟煖。

帝臺春 春懷

晴日炙雪初消。池水碧。遊鯉負冰。好鳥窺人。閒愁增劇。追憶年時香閣裏。携手看故山春色。奈而今。惱亂東風。偏吹孤客。春猶昔。渾暗擲。人咫尺。何從覓。嘆陌上青青。又生芳草。薄暮綠烟如織。湖海氣難一旦。減兒女淚。已千行。滴漸近了花朝。怕重提寒食。

萬年歡 元夕

午夜晴燿。早六街燈火。交侵明月。春樹人家。遙傍帝

城雙闕。迤邐鈿車成列。躡羅袖。膚光欺雪。春山澹止。水盈盈。笑着簾幙風揭。清絲淒切。樓上少婦鳴箏。坐幽恨難說。白馬金鞭。知向誰行。遊歇舞榭酒闌燭滅。侯門閉。內筵重設。空竚望。薄倖歸來。深閨眉翠雙結。

念奴嬌 夏夜

涼侵疎簾。看星河漸轉。頻催城柝。百合香勻。新浴罷。月照殘粧。綽約紈扇初停。冰肌無汗。重試羅衫。薄花陰携手。一枝輕骨。釵落。聞道世態浮雲。長安棋局。

在寒詩金  
俯仰成今昨。人在瑤臺清露下。消受藤牀珠箔橫笛。高樓鳴蟬滿樹。塵事渾拋却。西風轉眼。又驚吹到簾閣。

前調 悼亡

啼猿聲裏。正蕭疎一片。霜天秋色。絃續鸞膠看兩兩。比翼連枝無別。洛浦珠沉。湘靈瑟冷。剩有寒螿咽。鍾情我輩。那堪蘭蕙重折。回首燈火春宵。茗爐佳夕。鴛枕偎猶熱。留得零香餘粉在。種就柔腸。千結爲問。飛瓊還歸天上。可憶來時節。蠶絲難盡。夢回簾外殘月。

前調 過綠柳長廊有感

滄沱南陌。憶當年綠柳依依。堪折夾道長條。張翠幄。清影寒生六月。汗滴征衫。塵飛驛路。到此清涼別。今來駐馬濃陰。一旦殘缺。聞道舊日隋堤。春來渭樹。空有蟬聲咽。可惜長廊烟霧冷。轉眼繁華銷歇。莫問秋風樹。猶如此。何況三千髮。長途搔首。愁聽枝上啼鴉。

前調 寄羅弘載越中



蘭橈畫漿嶺南舟。共泛湖天寥廓。髯客揚舲蘭渚去。  
折柳滕王高閣。江上登樓樽前擊鉢。轉眼分今昨雲。  
山千疊。舊遊頓爾蕭索。聞道戍堞烽烟。戈船鞞鼓。  
宛委軍聲惡。當日應徐無恙否。八口可安林壑。阮瑀。  
從軍陳琳草檄。豈歎功名薄。爲詢羅隱。壯懷肯令飄  
泊。

桂枝香

中秋

西風簾幙看花影移階。蕉陰綽約。三五良宵正永。小  
羅杯酌。二年幸訂漁樵侶。伴閒雲輕鷗孤鶴。鹿門夫

婦。竹溪賓友。柴桑籬落。

任清露涼侵袂薄。對扶疎

叢桂。此景非惡。漸斂浮雲。夜半月臨虛閣。庾樓人坐  
冰壺裏。欲乘鸞飛向寥廓。且拚盡醉。休論塵世。受他  
羈縛。

綺羅香

十六夜

曉雪纔晴。華燈再耀。粧點春城如畫。一刻千金。欲買  
良宵無價。曲闌倚檀口。瑤笙六街。騁玉鞭。騎馬氣氤  
氲。飛霰雕簷。銀花釵色光相射。繡窓眉嫵。試看似  
昔年京兆。風流重話。焰吐芙蓉。處處酒旗歌榭。橋邊

女○笑○倩○人○扶○笛○裏○梅○落○來○堪○把○拋○紅○豆○誰○結○同○心○赴○  
蟾○蜍○漸○下○

春雲怨

閨怨

疎○燈○薄○暮○又○一○聲○歸○雁○飛○來○平○楚○門○掩○東○風○塵○生○寶○  
篋○流○年○驚○暗○度○綵○線○慵○拈○燭○花○頻○剪○舊○怨○新○愁○漫○空○  
數○卓○氏○孤○吟○班○姬○團○扇○無○奈○情○耽○悞○ 王孫玉勒知  
何○處○把○三○生○誓○約○翻○雲○覆○雨○去○矣○朱○顏○漸○非○故○零○亂○  
飛○蓬○惱○煞○窓○前○鶯○啼○春○樹○夢○罷○關○山○酒○醒○殘○月○極○日○  
淒○涼○南○浦○

喜遷鶯

夏日遣興

蕉○林○雨○歇○正○寶○篆○香○溫○瓶○荷○芳○徹○斐○几○攤○書○湘○簾○伏○  
枕○愁○煞○利○名○場○客○消○受○薰○籠○茶○椀○閒○度○草○間○飛○蝶○最○  
愛○是○傍○蕭○蕭○疎○竹○林○梢○新○月○ 淒○切○關○情○處○遠○樹○蟬○  
聲○又○值○清○秋○節○白○墮○三○杯○紅○綃○一○曲○說○甚○濟○時○豪○傑○  
小○構○數○椽○茅○屋○圖○畫○琴○尊○羅○列○且○白○眼○任○花○開○花○落○

雲鬢圓缺

二

永遇樂

九日

籬○菊○凝○霜○井○梧○零○露○雁○飛○平○楚○何○處○秋○聲○小○庭○浙○瀝○

無○奈○情○千○縷○登○高○送○目○手○把○茱○萸○生○受○澹○烟○疎○雨○嘆  
良○時○幾○年○虛○度○總○付○東○華○塵○土○古○今○得○失○人○生○聚  
散○渾○似○落○英○無○數○戲○馬○臺○空○龍○山○帽○冷○風○月○還○如○許  
閒○拋○書○帙○笑○引○清○樽○看○取○綠○窓○眉○嫵○莫○更○使○愁○蜂○怨  
蝶○香○寒○別○浦○

花○心○動  
元○夜

上○谷○風○和○夜○溶○溶○香○車○六○街○闐○咽○燈○火○朱○樓○絃○管○清  
尊○共○賞○太○平○佳○節○誰○家○少○婦○簾○櫳○裏○喧○笑○語○綺○羅○輕  
揭○客○懷○亂○敞○裘○獨○擁○小○門○殘○雪○閒○把○年○時○細○說○儘

玉○漏○聲○沈○鳳○簫○吹○歇○樺○燭○春○閨○眉○嫵○紗○窓○蘭○麝○繡○幃  
頻○薰○無○端○辜○負○鴛○鴦○夢○郎○山○畔○冷○衾○如○鐵○酒○醒○處○星  
橋○淡○烟○斜○月○

大○聖○樂  
春○閨

奩○鏡○初○開○流○蘇○乍○暖○啟○窓○猶○寒○引○螺○黛○巧○畫○雙○眉○寶  
鴨○頻○添○香○篆○裊○裊○輕○烟○纔○換○春○衫○慵○出○手○向○梅○萼○凝  
粧○子○細○看○繡○簾○日○永○鶯○花○無○賴○珍○重○芳○年○東○風○又  
到○芳○草○漸○柳○色○依○依○駐○錦○鞦○語○金○閨○夫○婿○椒○酒○綠○勝  
莫○負○清○歡○世○事○何○憑○韶○華○易○去○一○瓣○皈○依○大○士○前○人

無恙祝天長地久被底文鴛

過秦樓 吳城雨中

樹隱千章風輕五兩堤畔人家容與柴門照水沙岸  
連檣一片吳城烟雨遙望曉捲疎簾小婦凝粧映窓  
眉嫵嘆天涯客子三千餘里鴈沉江浦空聞說白  
苧江東錦帆南國顛倒醉鄉歌舞寒林半落霜葉猶  
紅愁見鳧鷖孤嶼更羨高風此邦孺子荒亭雲卿黃  
土問江山萬古茫茫今夜夢回何處

洞庭春色 次韻寄答松陵徐電發

獨步江東羣推孝穆志在千秋儘詞華潘陸恣情採  
擷新聲秦柳匠意研求入洛才人追二俊遇傾蓋公  
卿便駐騶吾衰矣看中原鞭弭輪與林丘當年陳  
琳阮瑀草檄處名滿諸侯羨扁舟書劔五湖烟月春  
城絲管六代歌樓樽酒旗亭風雅會料此際歐陽放  
出頭西陵畔聽江潮怒發笑引吳鈞

前調 歸舟

萬里河梁五羊歸櫂夾路春風看荔枝洲畔沉香浦  
外簾開樓閣帆動艤艫載得珠江花鳥去更千步香

薰兩袖濃斜陽岸正袍青草綠衣染鵲紅。簾藏羅  
浮舊繭早辨取舞蝶紗籠問踏歌蠻樂穿花遊女尋  
芳何地拾翠誰從拋却南天烟月暖喜北望長安紫  
氣重驪歌裏聽蘭橈笳鼓驚起鼉宮。嶺南有千  
步香草

沁園春

咏美人足

錦束溫香羅藏暖玉行來欲仙偏簾櫳小步風吹倒  
褪池塘淡荇苔點輕彈芳徑無聲纖塵不動蕩漾湘  
裙月一彎鞦韆罷將跟兒慢拽笑倚郎肩登樓更  
怕春寒好愛惜相偎把握間想嬌憨欲睡重纏繡帶

蒙騰未起半落紅蓮笋指留痕凌波助態款款低徊  
密意傳描新樣似寒梅瘦影掩映窓前

賀新郎

蛟門納姬次芝麓宗伯韻

錦幄紅霞卷賦催粧鵲橋已駕青鸞先遣才子廣陵  
年尚少下直墨華猶泫奩鏡伴烏絲蠶繭携得御爐  
香滿袖正天生初渡銀河淺京兆筆晴窓展遠山  
肯使眉痕顯倦支頤流蘇低亞筠籠微扇吹罷鳳簫  
閒對奕亂局須憑獬犬吟蟋蟀西堂愁免欲博琴臺  
人一笑解鷓裘好向壚頭典蓮漏永蘭缸剪

玉女搖仙珮 暮春泛舟

長堤柳影綠滿東郊。十里芳湖如鏡。舉網烹鮮。行厨  
載酒。重續當年佳興。風月誰偏領。况主人情重。肯虛  
妍景。早尋取青鞋布襪。正是姚黃魏紫相映。無奈遇  
知心。嬌小情癡。勾人酩酊。憑仗蘭橈。畫漿簫鼓中  
流。激灩素波千頃。章曲勝遊。旗亭嘉會。今古風流堪  
竝。城角樓烟暝。怎消得杜牧。踈狂心性。趁落日仙舟  
容與。佳人拾翠。春將去也。君須省。好畱待夜珠光迸。  
以下補  
選二集

美少年

齋中芙蓉移自家園喜開甚盛

深院雁來時。紅落青苔冷。為愛錦城花。移自柴桑徑。  
昨夜一枝開。綽約新粧靚。除得半江秋。畱住霜天  
影。

漁家傲

題王烟客摹黃雀山樵画册

文獻吳中凋謝了。婁江留得西廬老。茗椀香爐人靜  
好。桐陰悄。閒窗摹出山樵稿。詞客画師稱二妙。蓬  
萊水淺乾坤小。一帶林巒雲浩渺。塵事少。卧遊似傍  
龍眠曉。

賣花聲

夏日雨中

炎○熯○沾○衣○驟○雨○欵○來○庭○院○洗○京○塵○不○須○紈○扇○涼○颼○入○  
幕○裊○孤○燈○零○亂○喜○天○際○輕○雷○漸○遠○披○襟○襟○坐○朋○輩○  
風○流○蕭○散○遣○閒○情○蠻○牋○茗○椀○最○關○人○意○有○檐○花○紅○綻○  
任○陰○晴○浮○雲○舒○卷○

傳言玉女

春宵

宮○餅○燒○殘○小○閣○落○梅○如○雪○衾○窩○寒○峭○簫○局○熏○纒○熱○釵○  
聲○鬢○影○偷○見○燭○花○雙○結○漏○銅○遲○滴○繡○帷○輕○揭○私○語○  
窗○間○膩○薇○漿○香○暗○裊○是○鄉○堪○老○萬○斛○閒○愁○歇○鵲○鵲○夢○

穩○莫○使○風○驚○簷○鉄○春○宵○幾○刻○消○磨○人○傑○

剔銀燈

鄧孝威毛大可吳慶伯汪舟次吳志伊徐大文集郎中小飲

黃○葉○青○苔○滿○砌○菊○未○老○蟹○螯○猶○美○雪○苑○鄒○枚○江○東○任○  
沈○對○酒○尚○堪○同○醉○萬○家○樓○閣○在○一○片○雁○鴻○聲○裏○太○  
史○應○占○星○緯○不○數○山○陰○修○禊○抵○掌○論○文○當○筵○抽○簞○榼○  
燭○早○堆○紅○淚○夜○涼○如○水○莫○辜○負○帝○鄉○高○會○

柳腰輕

觀邢郎演劇

溶○溶○三○五○春○宵○燕○銀○燭○照○紅○牙○按○紫○雲○筵○上○袁○綯○臺○  
畔○不○數○當○年○奇○艷○奏○新○聲○幾○度○杯○停○趁○東○風○一○枝○花○

顛○信○是○吳○儂○妙○選○問○伊○邢○美○名○誰○擅○躡○肩○揚○袖○淺○  
輦○低○笑○省○識○芙○蓉○如○面○座○中○有○子○野○情○多○每○腸○迴○舞○  
裙○歌○扇○

前調 元夕是歲始開火樹之禁

市樓十里香塵滿。金波湧。東風軟。璇霄弛禁。銀花爭  
絢。陌上疑寒疑暖。列醑讌。三殿魚龍沸。春城九天絃  
管。是處遊韁堪綰。鈿車輕。珮聲人面。紅燈華髮。綠  
樽良夜。莫負深杯頻勸。看年少。衣馬縱橫。任消磨。酒  
旗○歌○板○

輓轆金井 立秋

溼雲成片。暑將收。熠燿樹間光小。屋角斜陽。早西風  
吹到。簾櫳靜悄。香乍送。玉簪開了。幾處菡衣。一庭急  
雨。炎蒸如掃。流年暗中又耗。看桃笙欲滑。紗幔輕  
揭。秋入雕闌。更榴殘荷老。鴛鴦睡好。怕聽得。曉雞頻  
報。枕畔涼侵。皆前露重。簷啼嬌鳥。

醉蓬萊 壽張溫如中丞六秩

想○中○丞○當○日○節○擁○西○江○澤○流○南○浦○滕○閣○憑○闌○看○珠○簾○  
飛○雨○拂○袖○歸○來○沉○槍○苔○臥○付○酒○經○茶○譜○油○幕○功○成○經○



綸垂手。烟霞結侶。駘蕩春風。門前列戟。笑引金樽。  
萊衣爭舞。花滿樓臺。道先生初度。將相神仙。公今兼  
矣。更何人堪伍。牙拍清絲。倚燈頻奏。饒歌朱鷺。

玉簫涼 七夕次陳其年韻

未麗飛香。悵孤影長宵。魂似他鄉。生離何足怨。幸猶  
有津梁。銀河曾否問渡。天邊事。傳說如狂。螢火細。傍  
雲屏羅扇。總助悲涼。年光安仁。鬢換子野。情多。歷  
亂儘耐思量。絲絲蕉葉雨。又聞洒疎窗。夜深誰共私  
語。無人處。斜月空廊。還記取。画閣中。燭照殘粧。

雨中花慢 贈陸雲士歸武林

江左詞人。襖被囊詩。京華數載淹留。有二都賦就。紙  
貴神州。戶外車輪嘗滿。句中烟景全收。問王家篔簹  
座上。群賢誰奪先籌。長卿意倦。風雨歸裝。還訪西  
子湖頭。秋色好芙蓉。十里香發汀洲。結社重尋舊侶。  
看山幾醉江樓。莫耽花月。再來燕市。慰我離憂。

揚州慢 寄酬呂半隱同年

廿載遊踪。今來河朔。共君咫尺天涯。有中山名酒。好  
醉趙城花。回首望鄉關。萬里萍浮一葉。躡屩官衙。問

玄亭奇字當傳誰是侯芭

茗溪寄跡夢揚州又泛

仙槎想邗上風流海陵烟月依舊繁華為我蜀箋寫  
句。画圖裏猶帶烟霞看文成五岳每憐王粲無家。

珍珠簾

壽魏貞菴相國

謝公棋墅栖遲久補袞名齊北斗三事領仙班十漸  
資人口一臥滄浪鷗鷺狎蹙斂卻經綸好手消受把  
棊樽羅列圖左書右初度恰是秋清喜池荷凝露  
檐花鋪繡玉膾切銀絲紅袞調冰藕龍馬精神猶健  
取看綵衣持觴為壽非謬須慰此蒼生加食進酒

瑣窗寒

清明悼內

冷落繁華又當禁火皇州春麗神傷奉倩塵積半床  
羅綺空零亂麝粉薇漿鏡奩猶剩殘膏膩任東風浩  
蕩飄搖素幔吹人難起遙睇青郊外正杏粥初調

油車迤邐輕烟曉散對此更添憔悴憶去年花滿彫  
闌凝粧小立晴窗倚到而今細雨梨花總釀成孤淚

月華清

中秋

粧閣調笙高城吹角奏出沈寥天氣念老子平生逸  
興南樓堪醉小堂前寒咽涼蟬御溝畔香殘荷芰天

霽。問西風搖落。有無桂子。且喜清樽相對。試西洋  
寶鏡。不遺纖細。兔可分毛。彷彿瑤宮堦砌。莫輕放一  
墮西岩。又凝竚。隔年嘉會。無寐。任霓裳露冷。拚虛鴛  
被。

如此江山 題徐電發楓江漁父圖

棠舟衝破吳淞水。瑟瑟岸楓汀葦。酒具茶槍。雲簑雨  
笠。載得半江秋思。蓴絲信美。任蒲地風濤。一竿鱸鮓。  
荷芰裁裳。徐陵也號天隨子。詹公任父已往。中原  
共識汝。烟波名字。鬪鴨先生。釣鰲狂客。誰繪剡溪藤  
裏徵書一紙。爲勉出菰蘆客。星至矣。漫捲漁筒。黃金  
臺更起。

氏州第一 贈西泠吳舒鳧卽次觀劇原韻

帝里秋晴。喜逢越客。小堂笑燃華炬。四座全傾。單辭  
皆妙。不數掾稱三語。相見頻嗟晚。讓爾詞場獨據。遼  
左藜床。魯城絳幔。誰爭旗鼓。優孟衣冠。江左誤演  
西子湖邊。士女麗句新填。蠻牋立草。漫道吟髭苦。憶  
前宵涼月下。鵝笙炙重添桂醕。明日風烟。悵萍分梁  
園人去。

畫錦堂

贈宋牧仲北部時以楓香詞見示

雪苑才人相門遺笏。海內大宋爭傳。猶憶當年宿衛。  
衣馬翩翩。壯歲詩書頻折節。英遊把臂滿詞壇。揮毫  
處。擊鉢高吟。題殘十樣蠻牋。長安投綰苧。爭篔簹。  
一時驅駕群賢。善病圍寬沈約。渴類文園。晴窗填就  
花間句。綠樽鑒定米家船。楓香好。詞名讀罷清風祛暑。  
小閣泠然。

解連環

送李武曾之鳳陽次電發韻

帝城急雨。向秋風。撼撼客游西楚。嗟枚叔。雪苑蹉跎。

著短後衣輕。奚囊攜去。小試經綸。伴熊軾。朱幡行部。  
弔濠梁。戰壘是我當年。輶軒過處。問君舌仍在否。  
美翩翩書記。文中之虎。猶憶樂府新篇。展麗句烏絲。  
冷然忘暑。匹馬紅亭。正滿目汀蘆飛絮。一任他崢嶸。  
驃騎如何第五。

花發沁園春

巳未初度

冰砌閒門。梅呈新萼。又逢一度駒隙。故園人到。京洛  
樽開。舉酒共澆寒夕。愁將鬢織。驚過眼。都成陳跡。笑  
塵夢未醒。邯鄲衰遲。猶是羈客。十載韶華。輕擲看

平生鬚眉頓減疇昔。人移物換。燕去梁空。翻覺懽場  
蕭瑟。春風將扇。奈往事轉縈胸臆。提舊恨。暗迸珍珠。  
蠟盤紅淚同滴。

望湘人

寄懷雲間張帶三同年

悵雨來非舊。老去傷離。曲江朋侶凋謝。滄海生塵。故  
人無恙。每共耆英邀社。三泖烟橫。九峰霞起。人娛清  
夏。更烏衣子弟。翩翩不讓。機雲聲價。早見名高洛  
下。執中原鞭弭。爭衡董賈。媿少不如人。頭髮雪霜驚  
乍。何日結伴。聽漁樵話。遙憶山中多暇。把酒向。唳鶴  
灘前。幾度樽空燈灺。

望海潮

贈楊聖期世兄南歸毘陵

家聲鄒魯。蘭陵寄跡。韶年夙擅才名。帝里重游。新詞  
滿篋。居然六代菁英。風木獨含情。嘆文人孝子。落拓  
江程。孔李通門。剪燈握手話丁寧。吾師昔待承明。  
想垂紳正笏。海內儀型。羈旅江南。山頽東國。西州涕  
淚縱橫。對子更沾纓。幸父書可讀。數畝堪耕。歸去孤  
村。莫虛歲月掩柴荆。

惜餘春慢

送春

布穀啼殘野棠開盡。見說綠肥紅瘦。何方繫馬是處  
提壺。輸與五陵豪右。暗想南陌東阡。草亂青袍。飛花  
眠柳。似徐娘老去風情。今日可還如舊。猶憶得錦  
瑟相偎。画樓頻倚。低唱翠眉微皺。軟紅滿目。風雨無  
端。斷送韶華太陡。試共東君細論。何似休來。來須相  
守。未尋春春已先歸。愁煞曉鐘時候。

摸魚兒

咏窩絲糖次陳其年韻

憶長安昇平節物坊肆繁華重理。大官珍味流傳久。  
餅餌當年曾嗜。春宵市。空想像。夢華昔日殘編底。今

猶存此。看雪片冰絲攢成螺髻。貴與蔗漿齒。天庖  
饌。官監廚娘能記。玉盤爭歎佳製。詩中載得題酥處。  
舊說眉山蘇子。誰當似。似虞糲。侯鯖不數楓亭荔。筵  
間瑣事。入樂府新題。詞人繡口。偏覺摹來細。

画屏秋色

九日登閣

雨後烘晴日。憑檻望萬井烟光如織。擊筑聲沈。金臺  
砌冷。依然秋色。壇樹影參差。正滿目。觚稜丹碧。都付  
與登高客。看叢菊郊原。夕陽宮闕。可有柴桑送酒。龍  
山邀展。寂歷風烟似昔。空搔首。古今陳迹。江天組

練水犀樓櫓。何時休息。碣石館重開問天。又見詞人  
集。題徧烏絲斑筆。群醉向鱸頭。千載旗亭無恙。點綴  
河山蕭瑟。

汪蛟門懋麟曰。大司農以勲業名天下。所著詩古

文集等身。傳世其詩餘雅麗渾成。不事雕飾。不  
撫拾隱僻。深得北宋諸賢遺意。予嘗論宋詞有  
三派。歐晏正其始。秦黃周柳姜史之徒。備其盛。  
東坡稼軒放乎其言之矣。其餘非無單調隻句。  
可喜可誦。苟求其繼。難以哉。若今之專事故實。  
蠹竊幽險。神韻索然。恐莫知其派之所由矣。願  
亟以此詞針砭之。

聶晉人先曰。鈔棠村詞。有未盡收佳句。如浣溪紗

之鶯聲愁殺畫樓人。憶王孫之細雨孤城盡閉。  
門菩薩蠻之茅店閉黃昏。孤燈何處村。滿庭芳  
之閑消受。幽花文蝶。秋水玉簪香。夏初臨之小  
立斜陽。映紗厨。笑看殘粧。蘇幙遮之天意也。知  
離別苦。片片輕雲。遮斷人行路。卽置之片玉。漱  
玉集中。若相伯仲。至若百字令之道在斯人。晴  
窓高臥。閑卻經綸手。竟是一幅畫中人物。如此  
數闋。惜皆未列全豹。謹爲拈出。

名家詞鈔目錄

廬陵 聶先 晉人

長水 曾王孫 道扶 纂定

南礪詞

桐城 何 采 省齋

貂裘換酒 三調 海棠春

滿江紅 三調 踏莎行

沁園春 行香子

摘得新 二調 採桑子



木蘭花慢

蝶戀花

高山流水

風中柳

鵲踏花翻

醉春風

望江南 四調

水調歌頭 三調

山花子

風流子 二調

漁家傲

臨江仙

虞美人

無愁可解

水龍吟

八聲甘州

佳人醉

明月棹孤舟

醉落魄

雨中花

西江月

燕歸梁

摘紅英

隔簾聽

鳳凰臺上憶吹簫

南磧詞

桐城何采省齋

貂裘換酒

送唐濟武渡錢塘

僕本悲秋者。少年時安仁紅淚。白頭重灑。越嶠狂游  
逢唐介。載得滿船書畫。杯泛處。沉憂聊瀉。三十三年  
談遺事。似檀槽撥出開元話。留我輩。舊聲價。與君  
神武冠同挂。儘紛紛四豪賓客。五陵衣馬。擔簦乘車  
臨岐路。漫說相逢當下。且掉臂林間共把。欲寄雙魚  
憑潮信。有千鈞強弩。休輕射君去矣。我歸也。

前調 荅張毅文

天子門生者。羨香名得邀。宸翰屏風清灑。僕在  
先朝曾供奉。舊識瀛洲圖画。今喜得詞源新瀉。吏部  
文章埋黄土。毅文為同年。鞠存考功子。有蘭臺續史增佳話。鳳池  
客。雞林價。野夫牛角無書挂。愧行行智驄神駿。問  
塗老馬。一代國門名山業。不比梁園稷下。南董筆君  
其牢把金鑑千秋君家事。笑只誇祿閣藜光射。無可  
贈。贈言也。

前調

聞雨追悼清河君

秋雨多情者。卻從人耳邊心上。蕭蕭齊灑。一片吳山  
烟中樹。攢簇眉峰難画。聽入夜銀河如瀉。亂滴啼螿  
衝哀雁。似擣砧拋織淒涼話。愁欲買。幾多價。布帆  
數向西湖挂。每丁寧秦樓壓酒。蘇堤繫馬。昔日戲言  
今朝淚。和雨一時同下。龍鍾袂有誰重把。無焰殘燈  
幢幢影。更溼雲暗度酸風射。苟奉倩。神傷也。

海棠春

題画山喜鵲栖海棠

提提似欲歸飛起。却道是譽斯弁彼。紅豆淺開脂碧  
玉深拖尾。眼前鳥語和花氣。應只有閒情管。理画

得一園春。喚出三山喜。

滿江紅

同杜湄村方邵村飲李氏園亭聽歌觀瀑

江左風流。送我到晚涼池閣。恰正是鸚哥低叫。海棠微落。瀑滿軒窗。山滿牖。月生屏幃。香生幕算。四時佳處。在清秋。忙尋樂。疏水石。專丘壑。洗箏笛。精絃索。羨紅牙碧串。谷兒菱角。高興忽因良友發。中年恒恐兒曹覺。吐狂言一笑。紫雲迴。渾忘却。

前調

九日雨中飲許穎長亭子

採菊東籬

作淵明佳節。絕勝似燈船簫鼓。星橋

花月一瓮老春歌。白苧滿庭。小雨翻黃葉。儘今朝仔細看。茱萸明年說。知誰健。愁須撥。用我法。情偏愜。况霜螿盈把。露蟬低咽。舊識漸稀。詩酒伴。新銜重補。漁樵闕。更休教落帽。晚風前。羞華髮。

前調

送吳介茲遊汝南

季重風流。是吾友中丞。揖客笑我輩。酒驅詩使。眼隨頭白。武子亡時。孫楚慟。孟嘗死後。馮驩別。聽一聲杜宇。叫清明。鞭梢月。黃金盡。交難結。青山改。交難絕。看鬚髯似戟。肝腸如鐵。王粲樓前楊柳雨。袁安宅畔。

梨○花○雪○問○梁○園○賦○手○有○人○無○歸○來○說○

踏莎行 為周櫟園題秋林驅衛圖

遠岫如雲疎林似薺青驢不羨青驄轡除却邯鄲與  
灞陵要尋一箇無愁地 何地無山是山皆地看來  
只少閒人計身閒端不比心閑閑心更在秋原繫

沁園春 送顧云美還虎丘塢影園

望岫亭前熱客全疎俗士請迴似桃源面面都無人  
問蓬門寂寂始為君開月下扶藜雨中着屐花底相  
過日幾迴爭猜道道彼翁癡絕此老狂哉 偶然歸

去蘇臺莫漫學江南庾信哀幸眼明身健歡多累少  
園浮塔影山倚城隈虎阜稍停烏衣重到笑指白鬚  
門外來相期處在南村弱柳東閣新梅

行香子 題邵村為梁公子画嘉莊農隱圖并和其詞

山色溪光鬱鬱蒼蒼画田家一幅儲王稻風吹綠麥  
浪翻黃添幾株楊幾竿竹幾頭桑 阡陌陂塘雞犬  
牛羊似桃源引入漁郎浮雲富貴流水行藏是衛公  
園謝公墅晉公莊

摘得新 小圃種蔬二調

老圃家。青蔬間綠芽。劉郎何必去。看桃花。兔葵燕麥。  
東風裏。儘繁華。

前調

浪得名。瓜丘稱邵平。何如蔬圃裏。老雲卿。魏公不了。  
當時事。也休評。

採桑子

題畫

東風吹遍青無數。花意嫣然。松意翛然。襯出朝烟與  
暮烟。人家住在幽篁裏。山到窓前。水到門前。不是  
樊川卽鞦韆。

木蘭花慢

瀨上作

長干逢小艇。乘興處。趁東風。只一領羊裘。一編蠹簡。  
一隻鳩筇。偶來投金瀨上。聽荒城破寺。打霜鐘。仲叔  
蕭條安邑。長卿慚愧臨邛。婆娑人影月明中。且閒  
數歸鴻。看熱客稀疎。老兵生硬。醉衲龍鍾。不禁忽然  
長笑。把輕身底事。作飛蓬。強酌官廚白酒。莫辜僧舍  
丹楓。

蝶戀花

月下看牡丹

葉葉枝枝偏萼萼。作意遲開。似把春光餞。天半玉臺

懸寶鑑。嫦娥粧罷。脂。好月好花。休浪遣。白髮  
青樽。襯出紅深淺。魏紫姚黃。虛過眼。洛陽誰話。錢惟  
演。

高山流水

河亭納涼同抑庵念劬

火晶照出火雲焦。看炎炎。袞袞勞。揮汗正滂沱。最憐  
熱客堪嘲。空留得。永晝清宵。容吾輩。消受風前細柳。  
雨後甘蕉。况扁舟短楫。一水逗雙橋。逍遙。追涼到  
河上。渾不異。聽濶觀濠。偕勝侶。蔡襄逸興。于頔高標。  
滿斟酒。酸。鬪詩瓢。各分曹。相與幕天席地。墮月橫杓。

任元規紅塵十丈。扇輕搖。

風中柳

吾亦爲之。雖是執鞭也好。不可求從吾所好。文人無  
賴。枉送窮乞巧。却惹得鬼憎人笑。千古窮愁。無過  
陶公杜老。只空留幾篇詩稿。四松五柳。勝十洲三島。  
餓神仙。蠹魚難飽。

鵲踏花翻

人日病小愈東抑菴兼促和詞

春雪盈頭。春風刺骨。同君病裏相憐耳。年年此日題  
詩。偏是今年却逢人日。人如此。未能降得樂天魔。自

難送去昌黎鬼。眼底落落故人無幾。出門便到君家矣。只待簷外花開。橋邊水滿。瓮裏新筍美。一杯渡入醉鄉津。百壺灌下愁城壘。

醉春風

與兩弟兩兒夜酌

得笑須開口。得閒須聚首。眼前屈指富豪家。某某喚弟呼兒。青燈白話。可如吾否。無炭須燒篋。無肴須剪韭。樽中謀婦不時需。有有最愛嬌孫。挽鬚掉舌。頻催乾酒。

望江南

江南好。海蜃駕山鰲。明角作花珠。作葉料絲名鈕紙。各包剔墨妬鮫綃。

前調

江南好。白兔共青麕。翠羽巧梳金絡索。錦鱗戲咲碧玻璃。五百鬪坊雞。

前韻

江南好。陣陣軟紅奔。白馬剪鬃烏豹飾。蒼鷹鞞臂紫貂溫。芳草盡王孫。

前調



江南好。蜀罽搭秦樓。雞舌香吹鶯燕口。蝦鬚簾映鳳凰頭。蜂蝶亂春愁。

水調歌頭

獨酌和稼軒韻卽用起句

頭白齒牙缺。冉冉已成翁。浮雲於我何有。樂亦在其中。三十六巖生長。四十九年遊戲。將老更還童。倘欲問真訣。莫放酒杯空。酌三盃。傾兩盞。勝千鍾。有時一斗一石。天地也鴻濛。不問鵬飛鴟徙。何況燕來雁去。南北復西東。作者七人矣。獨酌與誰同。

前調

祝余曼翁六十卽和杜觀原韻

歲月忽焉邁。在冉竟忘天。非君記我生日。我漸不知年。我已不婚不宦。君乃獨清獨醒。易地則皆然。休作晨星歎。落落尚人間。靜如鷗。瘦如鶴。冷如蟬。笑看退筆如帚。破硯可如田。我以蹉跎當壽。君以安閒當富。何必計虧全。我正斂棋手。君莫聳詩肩。

前調

叠前韻寄祝曼翁七十

南礪主人白。珍重早秋天。澹心足下無恙。七十正今年。八十申公束帛。九十伏生授簡。寧若啓期然。帶索咏三樂。擺脫利名閒。鬪飛蛾。嚇腐鼠。耀雌蟬。悠悠

雲外古鷓。白露響青田。世俗盡皆欲殺。造物每常相  
忌。垂老此身全。惟我與君耳。四海絕隨肩。

山花子 題画梅花和稼軒韻

看去春愁強自排。前花合被後花催。記取一枝留画  
裏。認真栽。二十四番風不管。縱教画裏也吹來。只  
画半開休画到。十分開。

風流子 客問

客來相問曰。公何故。恁不合時宜。看酒色神仙。粉紅  
花艷。功名將相。瓠白糠肥。子何子。是貧還是病。如醉

復如癡。董項易強。陶腰難折。潘頭黑少。阮眼青稀。  
金門曾遊戲。人傳道。磊磊落落襟期。直欲扞驅妖蜮。  
奏磔彭尸。似蘇公雅謔。京悖切齒。賈生痛哭。絳灌低  
眉。留得桂薑辣性。蒲柳衰姿。

前調 答客問

蹶然而答曰。卿曹坐聽我舊詼諧。曾宮錦拂箋。鳳凰  
游去。岑牟搗鼓。鸚鵡題來。更堪訝陸雲。方好笑。庾信  
忽生哀氣。壓竇田。安知程李。心雄班馬。不數鄒枚。  
今將知非矣。蚩蚩地不是少壯情懷。却把五官收起。

八字推開向殘山剩水烟霞淡處。鳧盟鹿友鶴侶鷗  
儕。此外黃梁半枕。白墮三杯。

漁家傲 莫愁湖上作

高閣憑虛曾一醉。頓成三十三年事。場圃縱橫亭館  
廢。依稀記。斜陽落處清涼寺。回首可憐歌舞地。烟  
鬟却比霜髭悴。喚道莫愁愁莫寄。花濺淚。空傳南國  
佳人字。

臨江仙 咏芍藥花

供奉花牋妃子硯。三郎長笛親調。玻璃七寶酌葡萄。

盤龍飄綠地。飛燕暈紅潮。士與女兮溱與洧。風人  
作意輕佻。衰顏休被艷容嘲。玉盃新白髮。金帶舊黃  
腰。

虞美人 咏虞美人草

歡呼壁上悲垓下。一似花開謝。要知何處是英雄。博  
得美人心死楚歌中。馬遷不記虞兮死。芳草為青  
史。傳將名字學腰身。誰數漢宮曾舞戚夫人。

無愁可解 生日和東坡韻

取舍萬殊。俯仰一世。看來沒甚滋味。小年和大年。莫

分○別○箇○到○底○若○說○人○生○行○樂○耳○。行○過○底○在○那○裏○。剛○算○  
着○去○日○多○。來○日○又○去○。留○得○也○未○。問○有○甚○計○留○他○道○  
休○把○清○閑○換○將○名○利○。名○利○雖○則○錯○。豈○必○清○閑○便○是○。縱○  
使○清○閑○獨○屬○你○。也○只○在○冶○鑪○之○外○。怎○能○使○晦○朔○春○秋○  
盡○忘○。只○三○萬○六○千○醉○。

水龍吟

重陽前四日雨中聞雁

秋○之○爲○氣○悲○哉○。况○聽○邊○雁○悲○無○所○。千○嶂○峰○外○。萬○重○雲○  
裏○。數○行○遙○度○。滿○地○江○湖○。滿○天○兵○甲○。滿○城○風○雨○。惜○半○開○  
黃○菊○。半○凋○白○髮○。休○嘹○唳○登○高○處○。聞○道○衡○陽○歸○路○。六○

軍○中○傳○催○箭○羽○。聲○隨○霜○落○。影○搖○波○動○。人○將○射○汝○。菰○米○  
漂○零○。荻○花○蕭○瑟○。似○吟○如○訴○。勸○冥○鴻○只○向○平○沙○淺○水○。與○  
輕○鷗○侶○。

八聲甘州

辛稼軒夜讀李廣傳作此詞爲山  
居之約余倚聲而和之蓋有感于

霸陵  
尉也

飲○田○間○匹○馬○短○衣○歸○。嗟○哉○故○將○軍○。看○衛○青○不○敗○。張○騫○  
且○貴○。王○朔○休○詢○。莫○嗟○封○侯○拜○相○。李○蔡○下○中○人○才○氣○。無○  
雙○者○。命○相○偏○屯○。眼○底○崎○嶇○。呶○呶○。昔○藍○田○畏○路○。今○在○  
通○津○。縱○驚○弦○裂○石○。援○臂○屈○難○伸○。故○寧○逢○南○山○猛○虎○。遇○

霸陵醉尉轉逡巡。何須說夜行不識識也應嗔。

佳人醉

贈楊生孺小星花燭

繫得五絲一絡。綽約低垂纖手。正雨晴時候。蘭橈棹  
燭。桃葉依舊。醉倒溫柔鄉裏。勝醉鄉千日中山酒。  
停舟借問。邀笛步前。比將石臼。生孺居中一樣波光  
否。儘消受櫻桃笑口。遮莫再添楊柳。

明月棹孤舟

用陳氏故事題贈集生

一室掃除如斗大。任車馬四方相過。有鞞頻投。無函  
不答。應似當年驚坐。百尺樓頭君且臥。莫輕把元

龍挫。感遇詩成。市中傳遍。豈待胡琴捶破。

醉落魄

端午

忽然大笑世間只有天公巧。過來端午重來到。一曲  
秦淮。消幾箇年少。眼昏不耐榴花照。耳聾不耐笙  
歌鬧。身衰不耐丹砂療。老子平生難與外人道。

雨中花

端午後一日抑庵雨中招飲

簇簇笙歌桃葉渡。試問取王郎何處。這懶散心情。豪  
華景物。只似秋將暮。世上幾人知酒趣。拚白髮樽  
前聽雨。喚叔夜攜琴。伯倫荷鍤。向醉鄉行去。

西江月

次邵村

誰把朱絃綠串。教成碧玉紅綃。算來九十日春朝。一  
日歌翻一調。且向旗亭行去。三人同醉松醪。要知  
若箇調偏高。只待雙鬟唱到。

燕歸梁

新燕掠水

烏衣巷口落花時。翠尾參差。似憐紅雨漾清池。重  
上。画樓窺。倦飛鳥亦知還矣。愛栖隱故追隨。曲江  
曾咏暫來詩。教鷹隼莫相疑。

摘紅英

春歸前三日念劬招同抑庵小飲

春空老。人空老。匆匆白髮憐青草。來何處。歸何處。纔  
是當場便成前度。春殘了。花殘了。不如現在殘杯  
好。春休去。人休去。逢春共醉暫留春住。

隔簾聽

閩促織

結客少年場。上看振莎雞羽。蚩蚩分隊。嚶嚶伍伍。把狐  
白裘輸。鶴文綾賭。如走鶩。可相憐。小窓織女愁機杼。  
秋砧萬戶。髣髴哀征戍。陣雲邊。月消寒露。淒涼宋  
玉。飄零杜甫。悲哉賦。低垂白頭吟苦。

鳳凰臺上憶吹簫

登鳳凰臺懷李太白鳳皇  
臺二詩

憑弔金陵鳳皇臺上。悠然鳳去臺空。問何年晉代。何  
地吳宮。太白彈絃置酒。延落景吹出東風。登臨處。長  
波寫盡萬古心胸。無庸漫呼豪士。且醉倒金罍。催  
聽歌鐘。嘆衣冠陳跡。花草迷踪。不見三山半落。青天  
外。二水分中。休惆悵。浮雲蔽日。愁日難窮。

湯潛庵

賦

曰。省齋先生。文章風雅。爲詞林領袖。遨

遊湖山。六橋烟樹。雙峰白雲。杖履幾遍。時同年  
不期而聚者六七人。携酒登高。賦詩倡和。甚相  
得也。追憶昔時長安並轡。忽忽三十年事。少壯  
者今鬢髮種種矣。酒酣爲小詞數闋。蕭涼高逸。  
與稼軒放翁馳騁上下。濟武先生將南遊太未。  
余以使事告竣。亦且北歸。嘆我輩相聚之難。而  
後會之未可期也。不能不撫卷流連云。

余曼翁懷曰。省齋上相子孫。少年科第。視富貴如

浮雲閉戶讀書。孤行一意。多怪少可。蓋嶽嵒寄歷  
落人也。酒邊花下。信筆填詞。非陸非辛。亦蘇亦  
柳。老子婆娑。暮年蕭瑟。惟我與爾有是夫。

王議將

謨

曰。先生爲東林君宗。遂初以來。端坐一

室。潛神契道。澹泊自如。今東林蔚然興起。道南  
倡率。舍先生其誰與歸。先生與潛庵湯宗伯。吾  
師邁人王方伯。同時登第。各以闡揚道化爲任。  
又皆於樂府擅場。豈吾道亦不外於紅牙檀板  
間耶。



